

### III. OUTRAS DISPOSICIÓNS

#### CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

*Corrección de erros.-Resolución do 19 de novembro de 2009, da Secretaría Xeral para o Deporte, pola que se conceden subvencións a concellos ao abeiro da Resolución do 30 de xullo de 2009 pola que se aproban as bases reguladoras para a concesión de subvencións a concellos de Galicia, en réxime de concorrència competitiva, para a realización de obras de construción, mellora, acondicionamento e reforma de instalacións e espazos deportivos e para a adquisición de equipamentos deportivos e pola que se convocan as correspondentes ao ano 2009.*

Advertidos erros por omisión na citada resolución, publicada no *Diario Oficial de Galicia* nº 231, do 25 de novembro de 2009, é necesario facer as seguintes correccións:

Na páxina 18.222, no punto 2 da resolución, na primeira listaxe que se refire aos solicitantes excluídos en relación coas obras, é necesario engadir os seguintes concellos e as causas de exclusión:

| Concello               | Provincia | Causa de exclusión                  |
|------------------------|-----------|-------------------------------------|
| Barbadás               | Ou        | Fóra de prazo (artigo 3º)           |
| Barco de Valdeorras, O | Ou        | Excede orzamento máximo (artigo 6º) |
| Porqueira, A           | Ou        | Excede orzamento máximo (artigo 6º) |
| Taboadela              | Ou        | Fóra de prazo (artigo 3º)           |
| Veiga, A               | Ou        | Excede orzamento máximo (artigo 6º) |

Na páxina 18.222, no punto do 2 da resolución, na segunda listaxe que se refire aos solicitantes excluídos en relación cos equipamentos, é necesario engadir o seguinte concello e a causa de exclusión.

| Concello   | Provincia | Causa de exclusión                       |
|------------|-----------|------------------------------------------|
| Taboadela  | Ou        | Fóra de prazo (artigo 3º)                |
| Vilardevós | Ou        | Actuación non subvencionable (artigo 2º) |

#### CONSELLERÍA DE FACENDA

*Corrección de erros.-Resolución do 2 de decembro de 2009, da Dirección Xeral da Función Pública, pola que se anuncia a exposición das listaxes definitivas de axudas aprobadas e denegadas do Fondo de Acción Social do exercicio 2008 para o persoal ao servizo da Administración da Xunta de Galicia.*

Advertidos erros no anexo da resolución, publicada no *Diario Oficial de Galicia* número 240, do 10

de decembro é necesario facer as seguintes correccións:

Na columna Aprobadas do anexo debe dicir:

«2. Discapacitados: 775».

Na columna Denegadas do anexo debe dicir:

«2. Discapacitados: 256».

Na columna Importe euros do anexo debe dicir:

|                     |                |
|---------------------|----------------|
| «2. Discapacitados  | 1.136.355,40 € |
| 3. Fillos menores   | 1.817.698,72 € |
| 4. Est. por fillos  | 2.030.490,00 € |
| 5. Est. traballador | 376.500,00 €   |
| 6. Vivenda          | 719.029,21 €   |
| 7. Maiores a cargo  | 743.135,82 €». |

Así mesmo, na páxina web da Dirección Xeral da Función Pública <http://www.xunta.es/dxpf/fas.htm> a que se remite o punto segundo da resolución, detectáronse erros nos importes pendentes de pagamento nas axudas por discapacitados, fillos menores, estudos de fillos, estudos do traballador, vivenda e maiores a cargo. Os ditos erros foron corrixidos e publicados ás 19.30 horas do día 10 de decembro de 2009.

#### CONSELLERÍA DE MEDIO AMBIENTE, TERRITORIO E INFRAESTRUTURAS

*Resolución do 9 de decembro de 2009 pola que se dá publicidade ao acordo do tribunal encargado de avaliar as probas para a obtención e renovación do certificado de conselleiro de seguridade para o transporte de mercadorías perigosas por estrada e por ferrocarril, convocadas mediante Resolución do 16 de febreiro de 2009 (Diario Oficial de Galicia número 46, do 6 de marzo), mediante o que se declaran definitivas as relacións provisionais de aprobados.*

Publicadas o 24 de novembro de 2009 as relacións provisionais de aprobados correspondentes ás probas de obtención e renovación do certificado de conselleiro de seguridade para o transporte de mercadorías perigosas por estrada e por ferrocarril, convocadas mediante Resolución do 16 de febreiro de 2009, transcorrido o prazo establecido para presentar as correspondentes reclamacións e unha vez examinadas, este tribunal

#### ACORDA:

Primeiro.-Declarar definitivas as relacións provisionais de aprobados.

Segundo.-Expoñer as ditas relacións nos lugares establecidos para o efecto na resolución da convocatoria.

Terceiro.-Publicar este acordo no *Diario Oficial de Galicia*.

Contra esta resolución poderá interpoñerse recurso de alzada ante o director xeral de Mobilidade da Consellería de Medio Ambiente, Territorio e Infraestruturas, no prazo dun mes contado desde o día seguinte ao da súa publicación no *Diario Oficial de Galicia*. Transcorridos tres meses desde a presentación do referido recurso sen que se notifique a súa resolución, entenderase desestimado e quedará expedita a vía procedente.

Santiago de Compostela, 9 de decembro de 2009.

Xosé Lluís Fernández Suárez  
Presidente do tribunal

## CONSELLERÍA DE ECONOMÍA E INDUSTRIA

*Orde do 14 do decembro de 2009 pola que se modifica o artigo 16 da Orde do 7 de outubro de 2009 pola que se establecen as bases reguladoras para a concesión, en réxime de concorrència competitiva, das subvencións para o financiamento de accións orientadas a produtos ou servizos de innovación tecnolóxica relacionados co Xacobeo 2010, e se procede á súa convocatoria para o ano 2009.*

Pola Orde do 7 de outubro de 2009 aprobáronse as bases reguladoras para a concesión, en réxime de concorrència competitiva, das subvencións para o financiamento de accións orientadas a produtos ou servizos de innovación tecnolóxica relacionados co Xacobeo 2010, e se procedeu á súa convocatoria para o ano 2009.

No artigo 16 da devandita orde establécese que o prazo de presentación da documentación da subvención xustificativa así como o período de emisión das facturas e dos xustificantes de pagamento remata o 18 de decembro de 2009.

Tendo en conta o atraso producido na resolución das ditas subvencións, motivado polo volume de solicitudes presentadas e polo longo proceso de avaliación, e co fin de viabilizar o proceso de xestión e dado que non se causa prexuízo a terceiros, procede modificar o referido artigo 16 da orde de convocatoria, polo que

### DISPOÑO:

A modificación parcial do artigo 16 da Orde do 7 de outubro de 2009 pola que se aprobaron as bases reguladoras para a concesión, en réxime de concorrència competitiva, das subvencións para o financiamento de accións orientadas a produtos ou servi-

zos de innovación tecnolóxica relacionados co Xacobeo 2010, e se procede á súa convocatoria para o ano 2009, que queda redactado do seguinte xeito nos parágrafos afectados:

### Artigo 16º.-Xustificación da subvención.

1. Para cobrar a totalidade da subvención concedida, o beneficiario deberá presentar nos lugares sinalados no artigo 2º desta convocatoria e na data límite do 29 de decembro de 2009, un exemplar da seguinte documentación:

a) ../...

b) ../...

c) Xustificación do pagamento: transferencia bancaria, certificación bancaria ou extracto de pagamento. En ningún caso se admitirán xustificantes de pagamento con data posterior ao 29 de decembro de 2009. Nestes documentos deberán estar claramente identificados o receptor e o emisor do pagamento, a satisfacción do importe total da factura e o concepto a que corresponden.

(../...)

Santiago de Compostela, 14 de decembro de 2009.

Javier Guerra Fernández  
Conselleiro de Economía e Industria

*Resolución do 3 de decembro de 2009 pola que se adxudican as axudas para o fomento da investigación e a innovación empresarial do procedemento IN841C, convocadas pola Orde do 22 de xullo de 2009 (Diario Oficial de Galicia número 148, do 30 de xullo).*

Pola orde da Consellería de Economía e Industria do 22 de xullo de 2009 (DOG nº 148, do 30 de xullo), convocáronse as axudas para o ano 2009 para o fomento da investigación e a innovación empresarial no ámbito da Comunidade Autónoma de Galicia, correspondentes, entre outros, ao procedemento IN841C: Realización de proxectos de innovación.

Na súa virtude, de acordo co establecido nas bases da citada orde da convocatoria, atendendo as disponibilidades de crédito e á proposta elaborada pola comisión de valoración prevista no artigo 10º da orde da convocatoria, esta consellería

### RESOLVE:

Primeiro.-Concederlles as axudas para a realización de proxectos de innovación aos beneficiarios que se relacionan no anexo C-I desta resolución, nas contías que se sinalan.